## বাংলাদেশ দূতাবাস আঙ্কারা, তুরস্ক

## তুর্কমেনিস্থানের অনাবাসিক রাষ্ট্রদৃত হিসাবে মোঃ আমানুল হক-এর পরিচয় পত্র পেশ

সংবাদ বিজ্ঞপ্তি-আন্ধারা, ১০ অক্টোবর ২০২৩: তুর্কমেনিস্থানের জাতীয় সংসদের স্পীকার/চেয়ারপার্সন মিসেস দুনিয়াগুজেল গুলমানোয়া-এর নিকট মোঃ আমানুল হক তাঁর পরিচয় পত্র পেশ করেন। পরিচয় পত্র পেশকালে তুর্কমেনিস্তানের আন্তর্জাতিক ও আন্ত:সংসদীয় সম্পর্ক বিষয়ক কমিটির চেয়ারম্যান জনাব বেগমুরাত মুহান্মেদভ উপস্থিত ছিলেন। তুর্কমেনিস্থানের ঐতিহ্যবাহী আড়ম্বরপূর্ন আয়োজনের মাধ্যমে উক্ত পরিচয়পত্র পেশ অনুষ্ঠিত হয়। এসময় রাষ্ট্রদূতের সঙ্গে তাঁর সহধর্মিনী রুনা মাহজাবিন আহমেদ এবং দূতাবাসের দ্বিতীয় সচিব মোঃ শফিক উদ্দিন অংশগ্রহন করনে।

পরিচয় পত্র পেশ অনুষ্ঠান শেষে রাষ্ট্রদৃত স্পীকারের সঙ্গে এক বৈঠকে মিলিত হন। বৈঠককালে রাষ্ট্রদৃত স্পীকারের মাধ্যমে বাংলাদেশের রাষ্ট্রপতি ও প্রধানমন্ত্রীর পক্ষ থেকে তুর্কমেনিস্থানের রাষ্ট্রপতি সেরদার বার্ডিমুহমাদভ-কে শুভেচ্ছা জানান এবং স্পীকার বাংলাদেশের রাষ্ট্রপতি ও প্রধানমন্ত্রীকে অভিনন্দন জানান। বাংলাদেশ ও তুর্কমেনিস্তানের মধ্যে চলমান দ্বিপাক্ষিক সম্পর্ককে আরো গতিশীল ও উচ্চতর পর্যায়ে উন্নীত করণে দৃঢ় আশাবাদ ব্যক্ত করেন। এছাড়া, রাষ্ট্রদৃত জনাব হক প্রধানমন্ত্রী শেখ হাসিনার দক্ষ এবং দূরদর্শী নেতৃত্বে বাংলাদেশের আর্থ-সামাজিক ক্ষেত্রে চলমান উন্নয়ন কার্যক্রমের বিষয়ে স্পীকারকে অবহিত করেন। তুর্কমেনিস্তান সংসদের স্পীকার/চেয়ারপার্সন তুর্কমেনিস্তানের জনগণ ও সরকারের পক্ষ থেকে রাষ্ট্রদৃত মোঃ আমানুল হক-কে তুর্কমেনিস্তানে স্বাগত জানান এবং ভবিষ্যতে ভ্রাতৃপ্রতীম বাংলাদেশের সরকার ও জনগণের কল্যানে সব ধরণের সহযোগিতা অব্যাহত থাকবে মর্মে আশ্বাস প্রদান করেন। অতঃপর, রাষ্ট্রদৃত মোঃ আমানুল হক তুর্কমেনিস্তানস্থ স্বাধীনতা চত্ত্বর-এ পুষ্পস্তবক র্তাপন করনে।

এর আগে ০৯ অক্টোবর ২০২৩ তারিখে রাষ্ট্রদূত মোঃ আমানুল হক তুর্কমেনিস্তানের পররাষ্ট্র মন্ত্রণালয়ের উপ-পররাষ্ট্রমন্ত্রী মিসেস মাহরি বাসিমো-এর সঙ্গে বৈঠক করেন। বৈঠকে অন্যান্যের মধ্যে উপস্থিত ছিলেন তুর্কমেনিস্থানের পররাষ্ট্র মন্ত্রণালয়ের মহাপরিচালক (এশিয়া-প্যাসিফিক) জনাব গুরবানদুরিড সাপারোভ। এসময়ে উভয় দেশের দ্বিপাক্ষিক স্বার্থ-সংশ্লিষ্ট বিষয়ে আলোচনা হয় এবং রাষ্ট্রদূত তাঁর পরিচয়পত্রের অনুলিপি প্রদান করেন।

-----